

盤 溪 草

干 人 俊 稿

1930.8.

盤

溪

草

千入俊稿



之海濱一嘆 宗奇同儕先生為當時

大家鄉紳者近世先生畫格以觀象

生之海濱一嘆 宗奇同儕先生為當時

之海濱一嘆 宗奇同儕先生為當時

之海濱一嘆 宗奇同儕先生為當時

之海濱一嘆 宗奇同儕先生為當時

之海濱一嘆 宗奇同儕先生為當時

之海濱一嘆 宗奇同儕先生為當時

之海濱一嘆 宗奇同儕先生為當時

之海濱一嘆 宗奇同儕先生為當時

之海濱一嘆 宗奇同儕先生為當時

之海濱一嘆 宗奇同儕先生為當時

之海濱一嘆 宗奇同儕先生為當時

之海濱一嘆 宗奇同儕先生為當時

古音古箭凶音光工

再石到猴可人止香

止林曷助銀係

龍僭註

夏序

民國八年春余與于君梅園讀書杭州暇輒上下古今
放言高論以爲樂數年後離杭余則漫遊寧都羈役維
揚雁杳魚沉不通音問者幾五載今秋來滬適君亦宦
遊倦返邂逅此間恣談往事致足慰也君更出所作盤
溪草見示冷冷雅韻讀之益想見其胸懷高泊非復昔
日可比循是奮進所造自未可量若余頻年浪迹迄無

盤溪草（序）

二

一成維誦斯篇能無汗顏泥爪印痕爲泐數言以誌紀念

民國十六年十月富陽夏廷楨序於廣州中山大學

題辭

黃繩熙題

故山耆舊等晨星君似藏刀始發硎千載闐風誰嗣響
盤溪爲振玉玲玕

周德中題

碧簫鋪鴻藻龍蛇走筆端錦開雲母殿珠落水晶盤腹
笥經綸滿胸襟宇宙寬風流高格調擊節唾壺殘

盤溪草（題辭）

盤溪草（題辭）

二

琅玕初劈剖錦繡已平鋪滿架輪囷玉盈胸錯落珠壺
中藏日月眼底縮江湖載酒問奇字狂搜海不枯


方懋瀚題

臺城路

宋明甯海文風盛記取斷碑殘柳燕燕飛時鶯鶯啼處
轉眼衣冠非舊不堪回首憶閬社徵歌盤溪載酒軼事
流風恁教采入詩囊否者般白雪遺響爭換羽移宮

低吟徐奏鐵板銅琶曉風殘月恍惚將軍紅袖癡情各
有儘色舞肉跳烏飛兔走字字珠璣恐汗顏黃九

盤溪草（題辭）



盤溪草

詩一百二十章

緱城于人俊稿

丁卯四月約縣黨部同事二三赴城外看花
感而賦此

看花歲歲花相似，歲歲看花人不同。莫嘆落紅隨水去，落紅笑我逐春風。

嶺口道中

綠樹叢中石徑斜，炊烟起處有人家。尋詩偶入闌風里，桃李嬌春樹

盤溪草

盤溪草

二

樹花。

暮春野遊

柳絮隨風舞，桃花逐水飄。踏青人不見，唯聞鳥聲嬌。

三月晦夕送春

綠暗鶯將老，紅衰蝶已稀。一年花事了，春到夜深歸。

盤溪雜吟

清溪一曲抱村流，翠黛四圍景色幽。莫恨桃源難再到，綠陰深處足勾留。

鳥啼幽谷水潺潺，醉醒漁翁溪上還。莫道兩灘勝蹟少，我來樂似富

春山（中央灘）

雨後旁山淨宿烟，巉巖絕壁挂飛泉。飛梁直瀉雲圍破，疑是銀河落

九天（下旁山）

盤紆試上碧岩山，俯瞰村前水一灣。欲問鎮龍菴舊迹，殘磚徧點綠

苔斑（碧岩山）

古院荒涼畫掩扉，階前草色自芳菲。何溪居士今何在？日落空庭燕

子飛（明經院）

盤溪草

四

旁山菴結旁山邊，殿宇輝煌憶昔年。
貝葉不聞香火冷，一番憑弔一
凄然！
（旁山菴）

避暑頻登愛竹樓，南薰拂面汗珠收。
楚騷一卷臨風讀，勁節幽人足
與儔。
（愛竹樓）

羊角潭邊夜捕魚，負筌燃炬捲修裾。
歸來一醉初更後，高唱漁歌興
有餘。
（羊角潭）

孤峯不爲亂雲埋，翠疊如螺景絕佳。
記得昔年題詠處，松風謾謾鳥
啾啾。
（螺螄峯）

二十年來客外方，故鄉未改舊風光；
歸來醉飲梅園裏，鎮日歌吟學楚狂。

遊夢園

宅廢花無主，園荒草自芳。
空庭何所有？壞井泣寒蟾！
水亭堆瓦礫，月榭長蒿萊。
寂寞荒園裏，林花獨自開。
屋破餘殘額，豐碑字尙明。
是莊還是蝶？故把夢園名。

遊正學讀書處

殘碑讀罷淚難收！
正氣浩然莫與儔。
空有書堂千古在，名山事業聽

盤溪草

六

沉浮。

過鬪鷄潭

鬪鷄潭畔偶徘徊，回首當年風雨哀！
千載雙溪鳴咽水，湯湯東去不歸來。

春閨

深院燕來燕去，小庭花謝花開。
九十春光半過，王孫胡不歸來？

偶成

鳥啼幽谷裏，人語畫橋旁。
人爲別離苦，鳥因春老傷！

暮春野遊

殘軀初病後，攜杖作郊行。
麥秀生鬚舞，筍尖露角迎。
紅衰飛怨蝶，綠暗聽愁鶯。
倦向荒菴坐，閒看蝸角爭。

着衣亭懷古

湖因孝女著，亭以着衣傳。
勝蹟千秋在，萊衣並世賢。

登螺峯

螺峯新雨後，翠巖淨無瑕。
乘興憑高望，杜鵑正發花。

遊若園

盤溪草

盤溪草

八

亭榭傷頽敗，花開憶此門。主人渾不見，寂寞故侯園！

題義井

人以義而死，井因義得名。凜然存正氣，寂寂一泉清。

清明偶成

滿山花似火，夾岸柳如烟。佳節當須醉，相逢有幾年？

無題

長夜瀟瀟雨，爲誰訴怨情？檀郎不解事，一夢到天明！

晚眺

晚來無事倚柴扉，四望山山帶夕暉。
鄰女也知春色好，山花插得滿頭歸。

家居雜興

數椽茅屋結南山，自得林泉一味閒。
可有桃源避世者，同來飲酒把詩刪。

深山深處一荒村，地僻終希屐齒痕。
城市塵囂飛不到，避秦何用覓桃源。

過伯父墓

盤溪草

盤溪草

十

廿年培植感恩深，前事尋思淚滿襟！今日墓門餘拱木，落花啼鳥也傷心！

偶成

一夢黃梁日已斜，閑庭寥落噪昏鴉。阿瞞老去唯分線，衰草燃其自可嗟！

雁蒼道中

老樹排雲石徑斜，峯微深處有僧家。巡山折屐難登陟，獨坐巖阿看落花。

重九即事 仿王建望夫石體

踏紅糝，摘黃花；酒未盡，夕陽斜。酣飲東籬不忍別，人生有幾登高節？

某歲秋縣立高小池旁桃花盛開異而賦此

池頭桃樹誤芳辰，十月花開點綴新。折取一枝街巷過，教人錯認是陽春。

冬日偶成

屋角梅花次第開，光陰如電苦相催。休將往事重提起，二十年前一夢回！

盤溪草

十二

丙寅冬故里兵燹有感

苦煞中原百萬民，連年兵燹爲何因？而今打到山阿裏，那有桃源可避秦？

晚眺

日暮渾無事，披襟倚竹扉。村童驅犢返，野老荷鋤歸。巷裏炊烟斷，溪邊樹影稀。偶逢垂釣客，談笑共忘機。

梅山道中

修竹蔽天日，前行境愈深。山花迷古徑，礮水發清音。

揮汗懶登陟，山腰枕石眠。忽驚樵唱起！時已夕陽天。

剡上雜吟

舌耕一月幾回遷，遷得剡源古剎邊；自愛名山遊不了，餘情又付麥秋天。

爲愛名山喜欲狂，每逢佳節陟高岡；遙看水繞山環處，風景依稀似故鄉。

憶內

一別繡幃秋復春，韶光辜負翠眉嚬。遙知今夜盤溪月，應照深閨念

盤溪草

盤溪草

十四

遠人。

暮春登奉化西鎮諸山

剡上風光推鎮西，右環鳳山左龍溪。良辰乘興頻登陟，杜宇春殘花滿蹊。

松林道中

南薰拂拂送人行，綠水青山到處迎。竟日行行圖畫裏，荒塋野草也關情。

題文藝叢刊四卷封面畫

柳陰散亂日西斜，遠近青山罩晚霞。最是翩翩堤上客，綠楊風緊釣魚蝦。

龍潭道中

極目青畦一望賒，樹陰深處有人家。行行且入龍潭里，桑棹紅於二月花。

覆家書

信到連宵覆，書成燭影微。子規也解事，長夜勸人歸。

讀桃花扇後

盤溪草

盤溪草

十六

清歌一曲又黃昏，暮雨紛紛靜掩門。
扇裏桃花還在否，英雄兒女總銷魂！

暮春野遊

病身猶未健，扶杖漫游行。
枕石望雲氣，臨流聽水聲。
落花添感慨，飛絮嘆生平。
窮達惟天命，徒勞名利爭。

山行

行盡一山又一山，山山脚下水迴環。
化工自是多能甚，又有梅花相對閒。

湖上春遊

湖濱一帶翮翮柳，湖上青山花似繡。
佳節人生有幾時？何如野店飲杯酒！

在奉化鎮亭校作

寄迹山阿裏，境幽身靜藏。
筍蔬隨意食，魚蟹過時嘗。
嵐氣浮窗外，溪聲繞枕旁。
興來橋畔立，也學謫仙狂。

篆山書院

古院人稀到，荒涼晝掩關。
書聲今已寂，流水自潺潺。

盤溪草

盤溪草

十八

永福菴

古刹蕭然在，殘碑何處尋？
佛堂零落甚，興廢任民心。

萬竹堤曉行

隔岸晨鷄斷續啼，隴頭殘月漸沉西。
箇中靜趣皆詩意，緩步微吟萬竹堤。

登橫山

敢將餘勇上橫山，俯瞰村前綠水環。
料得白雲深密處，有人閒把道書刪。

丙寅八月十二爲奉化大橋送龍於馬龍坑
之期花樣新奇士女如雲頗極一時之盛因
誌之工拙不計也四錄一

華船巧琢費千金，絲竹和諧自可欽。
最是撩人心醉處，管弦聲裏酒杯音。

重九偶成

年年慣作嫁衣裳，說甚登高與舉觴？
今日恰逢休假日，黃花賞罷買糕嘗。

盤溪草

二十

梅山尊頂寺

山號梅山不見梅，寺因絕頂少人來。
老僧也覺清閒甚，坐看孤雲自去回。

病起

臥銷白日奈愁何？九十韶光病裏過！
又是一年春去也，落紅滿地綠陰多。

萬竹堤邊綠樹多，病人初唱踏春歌。
黃鸝晚轉枝頭語，報道今年花事過。

剛到橫山汗卽揮，沿途蜂蝶逐人飛。小桃憐我尋芳晚，贈送落花滿
袷衣。

過奉化松林鄉

春光愁裏去，梅熟客還鄉。處處催耕急，村村剝繭忙。荒菴羅徑裏，野
店古橋旁。歸路烟霞晚，林梢月色涼。

野遊

課罷雨初晴，携筇出外行。野花紅半落，芳草綠初平。麥穗遠遮隴，杏
林高匿鶯。留連山谷裏，倚樹聽泉聲。

宿徐馬站王世恩家

幽澗正流泉，修篁初弄影。老翁帶月歸，夜述桑榆景。

己巳端午宴飲溪濱賦此

客裏又佳辰，鄰翁宴水濱。唱籌鶯勸酒，偷食雀窺人。解粽我鄉思！飛觴滌旅塵。昏迷扶醉返，狂似屈靈均。

過橫山偶感

十里橫山路，年過廿四回。（時任奉化縣款產會監察，月必赴會一次）
閒雲應笑我，時去復時來。

惜別

征人含淚起程時，幾度留連不忍離！
更是嬌癡小弟弟，牽衣啼哭問歸期？

過王尙書鈐墓

苦花衣斷碣，翁仲泣斜陽。事業成灰劫，空留荆棘場。

船上雜詠錄四

半生事業付東流，回首前情不勝憂！
差幸高堂猶健飯，年年任我事遨遊。

盤溪草

二十四

一紙辭家作粵行，故園戚感別離情！
今宵忽稅封姨駕，定惹高堂夢不成。

一望重洋接渺茫，不知何處是家鄉？
奚囊記有新詩本，閒倚欄杆賦夕陽。

香港將臨日暮天，遙看燈火滿山巔。
島形隱約雲中見，似有帆檣落照邊。

太平墟

作客太平市，閒遊西復東。
街寬同鳥道，屋小似鷄籠。
嘉穀三回熟，好

花四季紅。田間多婦女，赤足又頭蓬。

登虎門山

俯瞰渺無際，鄉村綠樹遮。沿堤多異木，匝地盡奇花。竹屋倚山麓，蓮
廬接水涯。舉頭東北望，夕照片帆斜。

夜宿海珠泰安棧

夜深旅館淒涼！月照紗窗斷腸！歲歲飄零異域！前塵舊夢思量！

自君之出矣四錄一

自君之出矣，思君淚暗揮。宦海風波惡，勸君不如歸！

盤溪草

盤溪草

二十六

曉行

月落西山天未明，村鷄初唱兩三聲。
郵亭驛站燼餘在，知有征軍破曉行。

遊虎門郊

遠隔三千里，風光自不同。
沿堤異木鬱葱葱，匝地奇花映眼紅。
故里飛霜歲云暮，他鄉猶是醉春風。

秋日野遊

郊原憑極目，畎畝稻梁豐。
野色春初似，嵐光夏日同。
秋深草復綠，歲

曉花猶紅。日落遊忘返，歸來月色融。

東莞小吟錄二

蝸蛇充上食，猫犬作香羹。五味原同嗜，看來我獨驚！
草長經年綠，花開四季紅。他鄉君莫愛，言語苦難通！

秋夜偶成

蕭條秋月夜，遊子恨重重。客地風初起，故鄉露已濃。傷吟易悴色，攬鏡對愁容！忽醒家園夢，驚聞四壁蛩。

偶占

盤溪草

盤溪草

二十八

粵疆游宦又經秋，回首前情不勝愁！
欲把故園消息問，關山迢遞思悠悠！

哭雯姊

淒風苦雨夜深時，哭姊詞成淚已垂！
記得去年重九日，縱城分詠菊花詩。

香港艇中

隔江燈火滿山紅，明月如珪挂太空。
淼淼清波描不易，一江船在翠微中。

汕頭港畔

汕頭停泊夕陽收，乘興過江上酒樓。
扶醉歸來人悄悄，渡頭何處認歸舟？

丙寅冬余由香港回浙遇奉化瘦生毛君歸
裝蕭然感而賦此

桂子香飄作粵行，臘梅初放賦歸程。
相逢君亦風塵吏，一樣風生兩袖輕。

宿香港中西旅社

盤溪草

盤溪草

三十

旅邸淒涼夜未央，紗窗月照恨偏長。
家書讀罷思歸急，未脫征衣夢故鄉。

丁卯秋遇舊同學夏樸山君於遼東大學談
及往事神意恍然因誌之

回首虎林忽五年，重提舊雨恨茫然。
南園風景近何似？同植蒼松翠接天。

舊雨重逢莫怨遲，書窗聊復伴題詩。
分吟各集唐人句，祇話湖濱剪燭時。

紅樹青山悵別離，數行魚雁幾章詩。者番話舊情何限！勝似南國攜手時。

讀文學週刊詩有感

冷雨寒風獨坐時，挑燈無俚閱刊詩。妙年剩有狂如我，鼙鼓聲中興不疲。

感時

如此江山可奈何？年年蝸角互操戈！可憐戎馬經行處，烽火連天野燒多！

盤溪草

三十二

曾畢業諸同學

握手臨歧各黯然，青雲得路許高騫。英雄事業資時勢，輸爾先期着祖鞭。

秋日書懷

秋雨無端惹恨長，故園桂子爲誰香。莫將往事重回首，宦海風波夢一場！

落拓申江倍自憐！西風瑟瑟雁連天。元龍豪氣縱常在，畢竟英雄讓少年。

有見

阿儂生長黑橋旁，歲歲繚絲剝繭忙。不是嫦娥偏愛素，天姿原不藉紅粧。

醉楊妃步應雲菴咏菊原韻

傾城國色是耶非？醉臉醺醺酒興肥。愛是含苞經宿雨，宛然出浴一楊妃。

淺白輕紅貌異常，天生麗質勝羣芳。若非離下香魂在，那得楊妃醉後粧。

盤溪草

三十四

重遊半淞園

水亭曾記獨凭欄，五載韶光一指彈。
今歲重遊秋欲晚，滿園黃菊半凋殘。

送夏樸山回里

江村日落暮烟飛，握手臨歧淚暗揮。
幸是沿江風景好，天然詩畫送君歸。

重陽即事

方過團圓節，重陽忽又屆。
故人千里來，沽酒添舊債。
持螯復傳杯，高

歌足自快，陶然共忘機，飲罷日西過。

夢中作

花開客東莞，花落寓吳淞；昨遊莫愁湖，今上北高峰。浮生若大夢，飄搖無定蹤。

閨怨

瀟瀟長夜雨，似訴別離情。起視天猶早，無那夢不成。

由滬回甬過訪後樂園賦此

風送輕舟一夢歸，欲尋陳迹悵人非。水亭月榭景依舊，獨自憑欄淚

盤溪草

三十六

滿衣！

南渡夜航船中作

片帆高挂櫓聲微，風送輕舟疾似飛。
船到渡頭天未曉，一鉤殘月伴人歸。

日暮過王家亡姊妻家有感

風光良是昔人非，華屋山邱淚暗揮。
日暮女嬃墳上望，西州門外曉烟飛。

登甯波天封塔

浮屠矗立白雲封，秋到登臨興轉濃。
閒倚石闌西北望，竹州開滿玉芙蓉。

過嶺徐即景

歲暮騎驢過，嶺頭梅放早。
巉巖幽澗邊，疏影橫枝好。

過法昌寺

藤蔓絡危牆，野花迷仄道。
疏鐘送夕暉，歸寺一僧老。

水岩瀑布

辨山新雨後，峭壁挂飛泉。
絕頂素珠散，長空白練懸。
玉虹垂障外，銀

盤溪草

盤溪草

三十八

漢落崖前風景香爐並，題詩慕謫仙。

秋夜偶成

明月入簾櫳，寒砧時斷續。挑燈開卷吟，瑟瑟風過竹。

續盤溪雜吟

泉源一曲抱村流，多少人家得趣幽。自是天生清絕處，綠陰蔭我好勾留。

獨釣寒潭坐石磯，烟波十里浸斜暉。一聲拆裏歸桴急，驚起游鳬格飛。
(大淪潭)

桂子飄香白鷺飛，山南溪北稻粱肥。牧童也愛清芬味，折得花枝滿把歸。
(上旁山)

瓊枝只合在瑤臺，(青邱句)誰向山阿老圃栽？最是暗香浮動處，橫斜籬落一枝開。
(梅園)

雪霽登樓望道冠，銀峯高聳插雲端。千岩衣絮融新白，疑是瓊樓築玉簪。
(道冠山)

家山曾記昔年遊，今日登臨興倍幽。俯瞰清溪環舍繞，鄉村彷彿一漁舟。
(黃泥山)

盤溪草

四十

盤溪八月鬧漁歌，共道香魚今歲多。
味美不知鮮自食，烘乾遠售異山阿。

遠隔緱城卅里餘，依山帶水結吾廬。
輜軒若問盤民事，半種山田半捕魚。

屏岩瀏覽

一枕舊家山，登臨俗慮刪。
翠螺圍舍列，玉帶抱村環。
驛繞清波外，烟炊綠樹間。
回頭東北望，銀漢落雲關。

由粵歸里偶感

宦遊三月又歸田，恨比淵明多十天！還我鹹蠶粗布味，逍遙世外樂陶然。

初夏閒步

病起水荷香，閒游野趣長。堪紅蠶欲老，麥熟燕初忙。黃鳥過芳樹，青蛙喧野塘。田家農事急，誰與共傳觴。

恭祝善錄伯翁八秩榮慶四錄二

祥雲煥彩映清暉，三世筵開八秩稀。半賈半耕還半讀，優游頤養樂天機。

精神矍鑠步翩翩，綠鬢朱顏望若仙。
天錫遐齡人不老，壽星輝映到華筵。

端午寄北平霖弟

飄泊天涯各一方，矧逢佳節倍神傷。
兒時趣味今還記，採艾歸來解糗忙。

蓬飄萍散各西東，回首家鄉感慨同。
想到梅園籬落畔，榴花應放舊時紅。

✽

✽

✽

詞二闋

夢江南 憶內

眠榻上，屋角日西斜。還記臨歧攜手語，聲聲囑道「早回家，莫負妙年華！」

搗練子 秋夜

風瑟瑟，雨瀟瀟，香冷金猊暗地銷。欹枕欲眠眠不穩，隔窗零亂聽芭蕉。

盤溪草



四四三三二二二一一九一
一〇五〇五四二四一四

(頁)
題辭一

訂

四六四三三三三四二六二

(行)

正
表

始發 始發 始發
二十章 二十章 二十章
終希展齒 終希展齒 終希展齒
奉化西鎮 奉化西鎮 奉化西鎮
右環鳳山 右環鳳山 右環鳳山
我鄉思 我鄉思 我鄉思
奚囊 奚囊 奚囊
蓮廬 蓮廬 蓮廬
遼東 遼東 遼東
無定縱 無定縱 無定縱
清波外 清波外 清波外
過芳樹 過芳樹 過芳樹

(訂正)
始發 始發 始發
三十章 三十章 三十章
終希展齒 終希展齒 終希展齒
奉化鎮西 奉化鎮西 奉化鎮西
右環鳳麓 右環鳳麓 右環鳳麓
勸鄉思 勸鄉思 勸鄉思
奚囊 奚囊 奚囊
蓬廬 蓬廬 蓬廬
遠東 遠東 遠東
無定蹤 無定蹤 無定蹤
碧波外 碧波外 碧波外
歌芳樹 歌芳樹 歌芳樹

一九三〇年八月初版

(實價壹角五分)

作者 干 人 俊

發行者 寧波世界書局

印刷者 寧波華陞印局

版權所有 不准翻印

1877

82

104082



15